

**KJKP "VODOVOD I KANALIZACIJA" d.o.o. SARAJEVO**  
**v.d. DIREKTOR**  
**Izvod broj : 54/20**

Sarajevo, 29.10. 2020. godine

Na osnovu člana 64. stav 1. tačka b), člana 70. stav 1. 3. i 6. Zakona o javnim nabavkama (Sl. glasnik BiH br. 39/14), člana 27. Pravilnika o nabavci roba, vršenju usluga i ustupanju radova KJKP "Vodovod i kanalizacija" d.o.o. Sarajevo, te člana 41. Statuta preduzeća, na preporuku Komisije za javnu nabavku broj 54/20 od 01.10.2020. godine, u postupku javne nabavke br. 54/20 „Ulja i maziva za opremu na PPOV Butila“ donosi se :

**ODLUKA**  
o izboru najpovoljnijeg ponuđača

**Član 1.**

Prihvata se preporuka Komisije za javne nabavke o izboru najpovoljnijeg ponuđača broj 54/20 od 01.10.2020. godine i ugovor za javnu nabavku roba : „Ulja i maziva za opremu na PPOV Butila“ – tender broj 54/20 dodjeljuje se ponuđaču: „DRR Auto“ d.o.o. Kiseljak ponuda broj: 183/20 od 03.08.2020. godine, za ponuđenu cijenu od **40.836,00 KM** bez PDV-a, kao najbolje ocijenjenom.

**Član 2.**

Prijedlog ugovora o nabavci dostaviti će se na potpis izabranom ponuđaču „DRR Auto“ d.o.o. Kiseljak po proteku od 15 dana, računajući od dana kada su svi ponuđači obaviješteni o izboru najpovoljnijeg ponuđača.

**Član 3.**

Ova odluka objavit će se na web stanici [www.viksa.ba](http://www.viksa.ba) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 4.**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj : OP 54/20 od 22.06.2020. godine.

Javna nabavka je provedena putem otvorenog postupka nabavke.

Procijenjena vrijednost javne nabavke bez PDV-a iznosi : 50.000,00 KM.

Obavještenje o nabavci broj : 247-1-1-85-3-215/20 poslato je na objavljivanje na Portal javnih nabavki dana 29.06.2020. godine, a sažetak obavještenja o nabavci objavljen je u Sl. glasniku BiH broj : 39. od 03.07.2020. godine.

Komisija za javnu nabavku imenovana je Rješenjem br. 01/20 od 07.01. 2020 godine i dodatni članovi komisije imenovani dopunskim Rješenjem br. 54/20-1 od 22.06. 2020 godine.

Komisija za javnu nabavku dostavila je dana 19.10.2020.g. Preporuku o izboru najpovoljnijeg ponuđača broj 54/20 u postupku javne nabavke roba: „Ulja i maziva za opremu na PPOV Butila“ - tender broj 54/20.

Komisija za javnu nabavku je sačinila odgovarajuće zapisnike u kojima je utvrđeno sljedeće:

- Da je ukupan broj pristiglih ponuda: 4 (četiri) ponude ponuđača: „Minako“ d.o.o. Gradačac; „Petrol BH Oil Company“ d.o.o. Sarajevo; „Valvoson“ d.o.o. Busovača i „DRR Auto“ d.o.o. Kiseljak
- Da su blagovremeno zaprimljene: 4 (četiri) ponude ponuđača: „Minako“ d.o.o. Gradačac; „Petrol BH Oil Company“ d.o.o. Sarajevo; „Valvoson“ d.o.o. Busovača i „DRR Auto“ d.o.o. Kiseljak
- Da nije bilo neblagovremeno zaprimljenih ponuda

Pregledom ponuda konstatovano je da su ponuđači „Petrol BH Oil Company“ d.o.o. Sarajevo i „DRR Auto“ d.o.o. Kiseljak izvršili numeraciju ponuda na način kako je definisano tačkom 17.1.3., tenderske dokumentacije - „Numerisanje ponude“.

Pregledom ponuda ponuđača „Minaco“ d.o.o. Gradačac i „Valvoson“ d.o.o. Busovača Komisija je konstatovala da su ponuđači numerisali svoje ponude na način da su numerisani listovi ali ne i stranice ponude. Tačkom 17.1.3. tenderske dokumentacije - „Numerisanje ponude“ je definisano: „Ponuda neće biti odbačena ukoliko su listovi ponude numerisani na način da je obezbjeđen kontinuitet numerisanja, te će se smatrati manjim odstupanjem koje ne mijenja, niti se bitno udaljava od karakteristika, uslova i drugih zahtjeva utvrđenih u obavještenju o nabavci i tenderskoj dokumentaciji, a sve prema članu 8. stav (7) Uputstva za pripremu modela tenderske dokumentacije i ponuda (“Službeni glasnik BiH”, br. 90/14, 20/15).“

U skladu sa navedenim Komisija je utvrdila da dostavljene ponude svih ponuđača ispunjavaju zahtjeve tenderske uslove prema obliku i potpunosti u smislu pripreme ponude.

Pregledom ponude koja je zadovoljila uslove u formalnom smislu, Komisija je pristupila analizi dokumentacije priložene uz ponudu u smislu provjere kvalifikacije ponuđača, obzirom na iskazane zahtjeve ugovornog organa u tenderskoj dokumentaciji i konstatovala sljedeće:

R. br.	Zahtjevana kvalifikaciona dokumentacija	Ponuđači			
		„Minako“ d.o.o. Gradačac	„Petrol BH Oil Company“ d.o.o. Sarajevo	„Valvoson“ d.o.o. Busovača	„DRR Auto“ d.o.o. Kiseljak
1.	<b>Tačka 13. TD:</b> Izjava o ispunjenosti uslova iz člana 45. stav (1) tačka od a) do d) Zakona o javnim nabavkama – Aneks IV; Prilog 3.	DA	Da, ali nije upisan broj Sl. glasnika BiH	Da, ali nije upisan broj Sl. glasnika BiH	DA
2.	<b>Tačka 14.1 TD:</b> Izjava o ispunjenosti uslova iz člana 47. st. (1) tačka a) i (4) Zakona o javnim nabavkama - Aneks V; Prilog 4.	DA	Da, ali nije upisan broj Sl. glasnika BiH	Da, ali nije upisan broj Sl. glasnika BiH	DA
2.1.	<b>Tačka 14.1 TD:</b> Potvrda banke o aktivnosti transakcijskog računa koja nije starija od tri mjeseca računajući od dana dostavljanja ponude	DA	DA	DA	DA
3.	<b>Tačka 14.3 TD:</b> Original ili ovjerena fotokopija Aktuelnog izvoda iz sudskog registra ovjerenu od strane nadležnog organa – (Sud, Opština ili notar) ili Rješenja o registraciji ili ekvivalent odgovarajućeg dokumenta, koji nije stariji od tri mjeseca od dana izdavanja, a računajući od dana predaje ponude	DA	DA	DA	DA

Konstatovano je da ponuđači „Petrol BH Oil Company“ d.o.o. Sarajevo i „Valvoson“ d.o.o. Busovača u dostavljenim dokumentima Izjava o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 3. i Izjava o ispunjenosti uslova iz člana 47. st. (1) tačka a) i (4) Zakona o javnim nabavkama – Aneks V; Prilog 4., nisu upisali broj „Službenog glasnika BiH“. Ponuđač „Petrol BH Oil Company“ d.o.o. Sarajevo je na mjesto predviđeno za upis broja „Službenog glasnika BiH“ upisao datum.

Prema mišljenju Komisije nepopunjavanje broja Službenog glasnika BiH u Izjavi o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 3. i Izjavi o ispunjenosti uslova iz člana 47. st. (1) tačka a) i (4) Zakona o javnim nabavkama – Aneks V; Prilog 4., u konkretnoj nabavci ne predstavlja nedostatak zbog kojeg bi ponuda trebala biti odbačena iz razloga što se iz sadržaja izjava nesporno utvrđuje da se iste odnose na predmetni postupak nabavke, te da su iste uredno potpisane i ovjerene, a također je upisan tačan naziv predmeta nabavke, naziv ugovornog organa kao i broj obavještenja o javnoj nabavci.

Komisija konstatuje da ponuđači „Minako“ d.o.o. Gradačac, „Petrol BH OIL Company“ d.o.o. Sarajevo, „Valvoson“ d.o.o. Busovača, i „DRR Auto“ d.o.o. Kiseljak ispunjavaju kvalifikacione uslove, obzirom na iskazane zahtjeve ugovornog organa u tenderskoj dokumentaciji.

Pregledom ostale zahtijevane dokumentacije/aneksa-priloga, konstatovano je slijedeće:

R. br.	Ostala zahtjevana dokumentacija/aneksi-prilozi	Ponuđač			
		„Minako“ d.o.o. Gradačac	„Petrol BH Oil Company“ d.o.o. Sarajevo	„Valvoson“ d.o.o. Busovača	„DRR Auto“ d.o.o. Kiseljak
1.	<b>Tačka 15. TD:</b> Pismena izjava ponuđača iz člana 52. Zakona o javnim nabavkama – Aneks VIII; Prilog 6.	DA	Da, ali nije upisan broj Sl. glasnika BiH	Da, ali nije upisan broj Sl. glasnika BiH	DA
2.	<b>Tačka 16. TD pod 1:</b> Obrazac za ponudu – Aneks II; Prilog 1.	DA	DA	DA	DA
2.1	<b>Tačka 16. TD pod 1.1:</b> Popis dokumenata uz ponudu koji čini sadržaj ponude – Aneks II; Prilog 1.	DA	DA	DA	DA
3	<b>Tačka 16. TD pod 7:</b> Ostalo traženo u TD				
3.1	<b>Tačka 16. TD pod 7.1:</b> Ukoliko ponuđač nudi ekvivalentni proizvod potrebno je da dostavi dokaz (izvod iz kataloga, certifikat proizvođača, ili ekvivalentan dokument) kojim dokazuje da ponuđena roba ispunjava sve zahtjeve za utvrđivanje ekvivalentnosti navedene u tački 7. tenderske dokumentacije	DA	DA	DA	DA
4	<b>Tačka 20. TD:</b> Obrazac za cijenu ponude – Aneks III; Prilog 2.	DA	DA	DA	DA
5	<b>Tačka 31. TD:</b> Nacrt okvirnog sporazuma-Prilog 7	DA	DA	DA	DA
6.	<b>Tačka 31. i 37. TD:</b> Nacrt ugovora o javnoj nabavci – Prilog 8.	DA	DA	DA	DA
7	<b>Tačka 42. TD:</b> Povjerljive informacije – Prilog 7.	DA	DA	DA	DA

Konstatovano je da ponuđači „Petrol BH Oil Company“ d.o.o. Sarajevo i „Valvoson“ d.o.o. Busovača u dostavljenom dokumentu Pismena izjava ponuđača iz člana 52. Zakona o javnim nabavkama – Aneks VIII; Prilog 5, nisu upisali broj „Službenog glasnika BiH“. Ponuđač „Petrol BH Oil Company“ d.o.o. Sarajevo je na mjesto predviđeno za upis broja „Službenog glasnika BiH“ upisao datum.

Prema mišljenju Komisije nepopunjavanje broja Službenog glasnika BiH u Pismenoj izjavi ponuđača iz člana 52. Zakona o javnim nabavkama – Aneks VIII; Prilog 5, u konkretnoj nabavci ne predstavlja nedostatak zbog kojeg bi ponuda trebala biti odbačena iz razloga što se iz sadržaja izjave nesporno utvrđuje da se ista odnosi na predmetni postupak nabavke, te da je ista uredno potpisana i ovjerena, a također je upisan tačan naziv predmeta nabavke, naziv ugovornog organa kao i broj obavještenja o javnoj nabavci.

Komisija je konstatovala da je ponuđač „Petrol BH Oil Company“ d.o.o. Sarajevo vršio ispravke u Izjavi o ispunjenosti uslova iz člana 45. stav (1) tačaka od a) do d) Zakona o javnim nabavkama – Aneks IV; Prilog 3. i to u dijelu ID broja ponuđača, broja obavještenja nabavke i datuma „Službenog glasnika BiH“ a u Izjavi o ispunjenosti uslova iz člana 47. st. (1) tačka a) i (4) Zakona o javnim nabavkama – Aneks V; Prilog 4 i u Pismenoj izjavi ponuđača iz člana 52. Zakona o javnim nabavkama – Aneks VIII; Prilog 5, u dijelu broja obavještenja nabavke i datuma „Službenog glasnika BiH“ ali su iste izvršene u skladu sa postavljenim zahtjevima u tački **17.1.5 TD Ispravke u ponudi:**

*Ukoliko ponuđači vrše ispravke u ponudi, iste moraju biti urađene na način da su vidljive (ispravljani podaci moraju biti vidljivi), potvrđene potpisom ponuđača i sa datumom izvršene ispravke, a sve prema članu 18. stav (1) tačka m) Uputstva za pripremu modela tenderske dokumentacije i ponuda (“Službeni glasnik BiH”, br. 90/14, 20/15).*

*Napomena: Ukoliko ponuđač prilikom pripremanja ponude napravi ispravku, istu ispravlja na način da navedene podatke prekriži, ali da isti ostanu vidljivi, zatim navodi nove podatke i iste potvrđuje potpisom i datumom izvršene ispravke.*

Komisija konstatuje da su ponuđači „Minako“ d.o.o. Gradačac, „Petrol BH Oil Company“ d.o.o. Sarajevo, „Valvoson“ d.o.o. Busovača, i „DRR Auto“ d.o.o. Kiseljak dostavili ostalu zahtijevanu dokumentaciju kako je navedeno u tabelarnom prikazu, te je od strane stručnih lica za predmetnu nabavku konstatovano da su navedeni ponuđači ispunili sve postavljene tehničke zahtjeve, zahtjeve u pogledu opisa predmeta nabavke i tehničke specifikacije.

Provjerom računске ispravnosti ponuda ponuđača „Minako“ d.o.o. Gradačac, „Petrol BH Oil Company“ d.o.o. Sarajevo i „DRR Auto“ d.o.o. Kiseljak, konstatovano je da nema računskih grešaka.

Provjerom računске ispravnosti ponude ponuđača „Valvoson“ d.o.o. Busovača konstatovano je da postoji računska greška i to:

- U Obrascu za cijenu ponude na strani broj 8 pod rednim brojem 7 (Ulje za kompresore) u koloni broj 11 upisana je vrijednost 1.080,00 KM a računskom provjerom je utvrđeno da je ista 2.808,00 KM i da ukupna cijena ponude iznosi 50.206,00 KM a ne 49.936,00 KM.

Shodno navedenom, dana 16.09.2020 godine ponuđaču „Valvoson“ d.o.o. Busovača je upućen dopis (broj 390/20) za saglasnost za ispravkom greške računске prirode.

Dana 18.09.2020 godine, u predviđenom roku, od strane ponuđača „Valvoson“ d.o.o. Busovača dostavljen je dopis sa ispravkom greške računске prirode u kojem je ponuđač saglasan da na strani broj 8 pod rednim brojem 7 (Ulje za kompresore) u koloni broj 11 umjesto 1.080,00KM treba da stoji 2.808,00 KM. Međutim, ponuđač dalje navodi da ukupna cijena ponude iznosi 51.664,00KM a ne 49.936,00 KM.

Budući da ponuđač nije dao saglasnost na ispravku ukupne cijene ponude kako je navedeno u dopisu ugovornog organa i samim time nije postupio u skladu sa tačkom 46. tenderske dokumentacije „Ispravke greške i propusta“ Komisija konstatuje da ponuđač „Valvoson“ d.o.o. Busovača nije postupio u skladu sa zahtjevima iz tenderske dokumentacije, te se ponuda ovog ponuđača odbacuje kao neprihvatljiva, a sve u skladu sa članom 68. stav (4) pod g) Zakona o javnim nabavkama i ista nije predmet daljeg razmatranja.

Ugovorni organ dodjeljuje ugovor na osnovu sljedećeg kriterija: Najniža cijena (čl. 64. stav 1. tačka b) ZJN ).

Tačkom 25. tenderske dokumentacije je predviđeno provođenje e-aukcije. U skladu sa navedenom tačkom, prije zakazivanja e-aukcije ugovorni organ u sistem e-Nabavke unosi sve prihvatljive ponude.

**Od strane Komisije za javne nabavke konstatovano je da su prihvatljive ponude sljedećih ponuđača:**

R. br.	Ponuđač	Početna cijena ponude u KM bez PDV-a
1.	„Petrol BH Oil Company“ d.o.o. Sarajevo	49.491,66
2.	„DRR Auto“ d.o.o. Kiseljak	49.800,00
3.	„Minako“ d.o.o. Gradačac	49.982,96

E-aukcija je u sistemu e-nabavke zakazana i održana na dan 25.09.2020 godine u 10:30 sati.

Iz izvještaja o toku i završetku e-aukcije, koji je preuzet iz sistema e-nabavke, je vidljivo da je e-aukcija trajala od 10:30 sati do 10:57 sati.

Izvještaj o toku i završetku e-aukcije sadrži i konačnu rang listu ponuđača koji su učestvovali u e-aukciji kako slijedi:

R. br.	Ponuđač	Konačna cijena u KM bez PDV-a
1.	„DRR Auto“ d.o.o. Kiseljak	40.836,00
2.	„Petrol BH Oil Company“ d.o.o. Sarajevo	41.284,00
3.	„Minako“ d.o.o. Gradačac	47.260,00

Za najpovoljniju ponudu ocjenjena je ponuda ponuđača **„DRR Auto“ d.o.o. Kiseljak.**

Komisija jednoglasno daje prijedlog Ugovornom organu - ovlaštenom licu ugovornog organa, da za nabavku roba: „Ulja i maziva za opremu na PPOV Butila“ - tender broj 54/20 donese Odluku o dodjeli ugovora ponuđaču „DRR Auto“ d.o.o. Kiseljak broj ponude: 183/20 od 03.08.2020 godine, kao prvoplasiranom na rang listi, čija vrijednost ponude iznosi: 40.836,00 KM bez PDV-a.

Iz gore navedenih razloga, primjenom člana 64. stav 1. tačka b) ZJN, donesena je Odluka o izboru najpovoljnijeg ponuđača kao u članu 1. ove odluke.

**Pouka o pravnom lijeku :**

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

Dostaviti :  
- Ponuđaču  
- a/a



v.d. Direktor

Adnan Hodžić, dipl.ing.maš.